

455

AD QVODLIBETARIAM
QVÆSTIO MEDICA.

Matutinis agitata disputationibus in scholis Medicorum, die Iouis 17. Ianuarij
Magistro Iacobo Leto Præside.

An lien vita?

HOMO, animal temperatissimum, morbis tamen opportunissimum; omnium corporum tam coelestium, quàm elementarium exemplar & norma, multis tametsi animalibus, sensibus inferior, tribus partibus principibus regitur, hepate, corde, cerebro; & tribus spiritibus; totidémq; facultatibus specie differentibus, naturali, vitali, animali. Quibus vigentibus duntaxat, vitam viuit breuem; secus longam: quibus tamen solis, vita (primus actus animæ) non debetur; sed partibus etiam ministris, in quarum singulis particulis tota anima.

Anima quippe rationalis sola homini actum dat; non anima vegetatiua, non sensitiua è potentia materiæeducta, imperio naturæ, subministrante spiritu & calore: quibus natura opera sua ex principijs contrarijs; licet interdum monstra & in homine & extra hominem. Mola an non monstrum? At lien (verè opus naturæ) adeo necessarius vitæ, vt sine eo viuatur nemo.

LIENEM habent hepar habentia animalia, solo sanguine nutrita, quem iecur solum gignit sui parenchymatis *ιδιουκρασία*: sed minus tamen aptum ad alendum; priusquam defecatus fuerit. Quod facit imprimis lien, cuius actio propria est, attractio humoris melancholici per ramum splenicum; vt cystis fellæ, bilis flauæ, per cysticas; renum, feri, per emulgentes.

Tenim nisi sanguis limo depuretur, plurimi inde affectus præter naturam emergunt. Si in primas venas confluat, morâ putrescens febres melancholicas accendit: si in viscus aliquod, ibi scirrhum gignit: si per vniuersum corpus feratur, elephantiasim: si denique ad cutem totius corporis emunctorium, arquatam nigrum aut certè liuidum colorem inducit. Ab his malis & multis alijs corpus saluum euadit, si lien (qui ridere facit) suo officio rirè fungatur.

QVÆ cum ita sint, ridiculi isti, qui asseuerant lienem in corpore humano nullum habere vsum; propterea quòd fortè in aliquo desideratur, qui non modò iocinori (quod totum corpus sibi assimilat) expurgando inseruit: sed etiam *χολωσιν* propriam ventriculi actionem iuuat; appetentiam stomachi excitat; imò & ipsum cor viuificat.

Ergo lien vita?

Asserebat Lutetiæ IOANNES MERLET Constaencienfis anno Domini M. DC. XIII.

DOMINI DOCTORES DISPUTAVRI.

M. Georgius Arbaut.

M. Stephanus de la Font, Prof. Reg.

M. Carolus Bouuard.

M. Claudius Charles, Prof. Reg.

M. Quirinus le Vignon.

M. Dionysius Guerin.



M. Ioannes le Mercier.

M. Nicolaus Ellain.

M. Guillelmus de Baillon.